

經

義

述

聞

經義述聞第二十三

高郵王引之

春秋名字解詁下一百三十五條

鄭游販字子明

襄二十二年左傳

說文販多白眼也春秋傳曰鄭游販字子明檀弓鄭注曰明目精也。

鄭公孫輒字子耳

襄九年十年左傳

輒耳古字通說文耳耳垂也從耳下垂象形春秋傳曰秦公了耳耳者其耳垂也故以爲名案春秋傳無秦公子耳蓋鄭公孫輒之誤也耳垂謂之耳故車耳亦謂之輒說文輒車兩輪也輒車旁也輒車輪上曲

鉤也。磨乘輿金爲耳也。

宋本爲誤作馬。毛本又於金下增飾字。案史記禮書彌龍

徐廣曰乘輿金薄。謬龍爲輿倚較。

較車耳反出也。大

卽所謂乘輿金爲耳也。彌與磨通。

元積次四君子積善。至于車耳。測曰君子積善。至于

蕃也。范望注云蕃車耳也。

蕃與輻通。

漢書景帝紀長吏二

千石車朱兩轡千石至六百石。朱左轡。應劭注云車

耳反出所以爲之。藩屏翳塵泥也。

案朱轡卽古今注所謂文官赤耳也。

今本古今注云文官青耳。武官赤耳。誤也。

崔豹古今注重耳古重較也。較

同文官赤耳。武官青耳。然則輒較較輒磨皆車耳也。

鄭大夫有姚句耳。

句同鉤。

此轡上曲鉤之義也。晉文公

名重耳。晉大夫有梁益耳。此重較爲重耳之義也。

魯子叔輒字伯張

昭二十一年左氏經注

叔孫輒字子張

哀八年左傳

耳垂左右皆外向其象侈張輒之反出以向外亦如之說文聃張耳有所聞也。大荒東經曰有一大人張其兩耳

秦毋字間

仲尼弟子傳

毋讀爲聃毋聃古字通。定四年左傳聃季。史記管蔡世家衛康叔世家竝作毋季。說文。聃耳曼也。名毋字間與名輒字張同義。

李耳字聃

史記老子傳。姓李氏。名耳。字伯陽。謚曰聃。索隱云。詳

慎云。聃耳漫也。故名耳字聃。今作字伯陽非正也。

鄭公孫黑肱字子張

襄十八年左傳注

大戴禮王言篇。布指知寸。布手知尺。舒肘知尋。舒肱謂張兩肱也。八尺曰尋。鄭注考工記梓人云。張臂八尺。

楚馯臂字子弓

仲尼弟子傳

弓讀爲肱。古字弓與肱通。鄉射禮。侯道五十弓。鄭注云。今文弓爲肱。昭三十一年春秋。邾黑肱以濫來奔。公羊作黑弓。

齊后處字子里

仲尼弟子傳

鄭風將仲子篇無踰我里。毛傳云里居也。論語里仁爲美。里仁爲美。擇不處仁。焉得知。鄭注云里者民之所居也。

齊陳盈字子亾

元和姓纂有子亾云陳僖子生子亾盈曰氏焉

盈讀爲楹。亾讀爲杗。楹柱也。杗棟也。說文杗棟也。從木亾聲。引爾雅曰杗廡謂之梁。蓋杗者棟之一名。杗廡者梁之一名。謂之杗廡者言梁上承棟棟之所留止也。釋名楹或謂之望。言高可望也。或謂之棟。棟中也。居屋之中也。蓋望與杗古同聲。杗卽望也。然則棟謂之杗。梁謂之杗廡。故說文曰杗棟也。又曰杗廡謂

之梁辨其名物之不同也。或欲刪說支棟也二字非是。

齊祀殖字梁

襄二十三年左傳

殖讀爲植立者謂之植橫者謂之梁爾雅植謂之傳

傳謂之突郭注曰戶持鎖植也。厥經音義卷七引三倉

云戶旁柱曰植墨子非儒篇季孫與邑人爭門闕。決

植淮南本經篇絲聯房植高注曰植戶植也。夏官大

司馬大役與慮事屬其植鄭注曰植築城植也是立

者謂之植也。爾雅檜謂之梁。梁廡謂之梁是橫者謂

之梁也。爾雅又曰隄謂之梁亦取橫互之義。

楚公子啓字子闔

哀六年左傳

說文闔，里門也。名啓字闔，取啓門之義。王氏南陔曰：啓與闔皆行陳之名。左氏襄二十三年傳言齊侯伐衛，其軍有啓有肱。孔疏以左翼曰啓爲賈逵說。逸周書武順篇：一卒居前曰闔，一卒居後曰敦。左右一卒曰闔。孔晁注：開猶啓，皆陳名。

卞仲由字子路，魯顏無繇字路

並仲尼弟子傳

繇與由同，取由路之義也。

楚屈建字子木

襄二十五年左傳

大子建字子木

哀十六年傳

建讀爲捷，說文捷，距門也。

南都賦注所引如是。今本作隄門也。謬。

從木

建聲蓋榘者闢牡所以距門使不可開也顏氏家訓

曰古樂府歌百里奚詞曰百里奚五羊皮烹伏雌吹

屨屨

廣韻云屨屨戶扇

今日富貴忘我爲吹當爲炊案蔡邕

月令章句曰鍵闢牡也所以止扉或謂之剡移然則

當時貧困并以門牡木作薪炊耳

以上家訓

門牡以木爲

之故字子木老子曰善閉無闕榘而不可開淮南繆

稱篇曰匠人斲戶無一尺之榘不可以閉藏

陳諸字伯爰

唐書宰相世系表

諸讀爲堵爰讀爲垣小雅鴻雁篇之子于垣百堵皆

作傳云一丈爲板五板爲堵箋云徵民起屋舍牆壁

百堵同時而起射義蓋觀者如堵牆牆亦垣也。

齊公孫窳字子雅

昭三年左傳子雅韓子外儲說篇作子夏

雅讀爲窳窳雅古同聲

雅古音伍說見唐韻正

故窳通作雅玉

篇引倉頡篇曰楚人呼窳曰窳

齊公子固字子城

昭八年左傳注八年傳作子成假借字也十年傳正作子城

夏官掌圉掌脩城郭溝池樹渠之固。襄十年左傳城

小而固是其義也。或曰固城楚邑名。昭十三年傳圍

固城克息舟城而居之是也。

固城息舟城皆楚邑也杜注謂息舟楚邑城之

堅固者非是。

魯公孫宿字成

哀十五年左傳注

成與城通。隱元年春秋及宋人盟于宿。杜注曰：宿，小國。東平無鹽縣也。僖二十一年左傳所謂任宿須句。顛，史風姓也。國必有城，故字城。

宋大宰盈字蕩

莊子天運篇商大宰蕩曰蕩間之云云。釋文蕩間之一本蕩作盈。崔本同。或云

盈。大宰字。案大宰自稱盈。則盈其名也。蕩字也。

盈讀爲程。

戶經他丁二切

方言：「前几，江沔之間曰程。」郭注

曰：「今江東呼爲承程。」說文：「程，牀前几也。」

廣韻：「牀前几。」

古器切。

程也。東方謂之蕩。段注曰：「謂之程者，言其平也。」

程之言呈。說文呈，平也。

案蕩亦平也。齊風南山傳云：「蕩，平易也。」

几平則謂之程。又謂之蕩矣。古音盈與呈通。昭二十

三年穀梁春秋胡子髡沈子盈滅釋文盈本亦作逞
襄二十二年左傳欒盈自楚適齊史記晉世家作欒
逞說文穢從糸盈聲讀若聽或從呈作逞是其例也

宋公子何字弗父

昭七年
左傳

何讀爲柳

音

加弗讀爲拂

音

說文拂擊禾連柳也柳拂

也釋名柳加也加杖於柄頭以搗穗而出其穀也方

言僉自關而西謂之拂齊楚江淮之間謂之椶

音

拂之言拂也擊物之名也說文拂過擊也擊謂之拂

故擊禾者謂之拂拂椶聲相近故又謂之椶耳古音
何與柳通故柳通作何陳風澤陂篇有蒲與荷樊光

爾雅注引作有蒲與茄

見澤陂正義茄音加

是其例也

茄之爲何猶加

之爲柯也爾雅陵莫大於加陵卽春秋成十七年之柯陵

齊語耒耜枷芟漢書王

莽傳子之北巡必躬載拂韋顏注與說文同

晉琅呂飴甥字子金

倍十五年左傳

飴讀爲枹說文枹

與耜同

耒耜也從木台聲鉤或從金

徐鍇曰卽耜刃也音弋之反弋之反正與飴同音故

借飴爲枹鄭注考工記匠人曰古者耜一金兩人併

發之今之耜歧頭兩金象古之耦也又注月令曰耜

者耒之金也三倉曰耜耒頭鐵也

見莊子天

下篇釋文枹爲耒

頭金故其字或從金作飴故琅呂枹甥字子金

魯季公彌字鉏

襄二十三年左傳

齊犁彌字且

單行本史記齊世家索隱

且卽鉏之假借也彌讀爲璽玉篇璽

心支切

青州人呼

鉏也說文鉏立璽斫也璽鉏皆所以芟夷者故名璽

字鉏。

魯商瞿字子木

仲尼弟子傳

瞿讀爲權釋名云齊魯謂四齒杷爲權

具俱切

說文云

杷收麥器也蓋以木爲之故字從木權之言俱也齒

兩兩俱列也說文明左右視也讀若拘又讀若良土

瞿瞿粟

舉朱切

菜畝也菜

互瓜切

兩刃畝也目兩視謂之

眊兩刃畝謂之粟四齒杷謂之權聲義皆相近也淮

南說林篇木大者相樞。山高者基扶。言其相基之四布也。爾雅四達謂之衢。義亦相近。

陳金父字仲爾

唐書宰相世系表

爾讀爲櫛。遵初六繫于金柅。釋文柅說文作櫛。云絡絲跌也。讀若呢。子夏作鏹。蓋絡絲之櫛。古或以金爲之。故易曰繫于金櫛。而其字或從金作鏹。玉篇。鏹。古文櫛。金部字亦從金。

附

號公鼓字石父

呂氏春秋當染篇注案鼓。則幽王時人。杜春秋前。

鼓量名也。所容重一石。周語。開石。餼鈞。韋注曰。石。今之斛也。史記滑稽傳。臣飲一斗亦醉。一石亦醉。一石一斛也。續漢書百官志。中二千石。奉月百八

十廣雅曰斛謂之鼓是鼓與石同也或以十二斛爲斛。鼓所容重十二石。曲禮獻米者操量鼓正義引何氏隱義曰東海樂浪人呼容十二斛者爲鼓釋文引作十二石案容十二石則其器甚大獻米者執之不便當以廣雅斛謂之鼓爲是其器但容一石故小而易操也。家大人曰管子樞言篇云金鼓滿則人概之荀子富國篇云瓜桃棗李一本數以盆鼓據左傳考工記金受六斗四升盆受一斛二斗八升皆與一斛之鼓不甚相遠故或並言金鼓或並言盆鼓也。

晉楊會我字伯石

昭二十八年左傳

王氏南陔曰。廣雅。石秬也。說文。秬。百二十斤也。稻一
石。爲粟二十斗。禾黍一石。爲粟十六斗。大半斗。漢書
食貨志云。今一夫挾五口。治田百畝。歲收畝一石半。
爲粟百五十石。除十一之稅十五石。餘百三十五石。
會人月一石半。引之案管子園蓄篇。中歲之穀。糶石
十錢。大男會四石。月有四十之籍。大女會三石。月有
三十之籍。吾子會二石。月有二十之籍。

楚囊瓦字子常

昭二十三
年左傳

常讀爲甕

丁浪切

常甕皆以尚爲聲。故借常爲甕。說文

甕。大盆也。從瓦尚聲。廣雅。甕。甕也。

甕。胡監切。說文
作甕。云大盆也。急

就篇曰甕甕甕甕甕甕或曰以甕甕井也漢書游
俠傳觀瓶之居居井之肩一旦重礙爲甕所欄顏注
曰甕井以甕爲甕者也大益謂之甕井甕亦謂之甕
皆瓦質也

齊步叔乘字子車

仲尼弟子傳

齊公孫捷字子車

昭八年左傳注

子淵捷字子車

二十六年傳

取疾驅之義說文走疾也走與捷同

齊北郭佐字子車

襄二十八年左傳

少儀乘貳車則式佐車則否鄭注曰戎獵之副曰佐
案檀弓魯莊公及宋人戰于乘邱縣賁父御卜國爲

右馬驚敗績。公隊佐車授綬。此戎車之副也。夏官田僕掌馭田路。以田以鄙。掌佐車之政。此獵車之副也。

附

齊田廣字駢

莊子天下篇釋文引慎子曰田駢名廣

駢讀爲萃。春官車僕掌廣車之萃。萃車之萃。

釋文萃薄經反

又薄田反鄭注云皆兵車也。廣車橫陳之車也。萃猶屏也。

所用對敵自蔽隱之車也。春秋傳曰其君之戎。分爲

二。廣則諸侯戎路廣車也。孫子八陳有萃車之陳。故

書萃作平。杜子春云平車當爲駢車。

釋文駢案廣與薄經反

萃皆兵車之名。故名廣字萃。

齊梁邱據字子猶

昭二十一年左傳

據讀爲遽，猶讀爲輶，遽也。輶，皆車之輕且速者也。爾雅：遽，傳也。僖三十三年左傳：且使遽告於鄭。吳語：徒遽來告。孤日夜相繼。杜韋注並云：遽，傳車也。昭二年左傳：子產懼弗及，乘遽而至。則遽爲車之最速者。遽者疾也。車輕行疾，故謂之遽也。爾雅：輶，輕也。說文：輶，輕車也。秦風：駟鐵簋。輶車，鬱鑄。毛傳與爾雅同。

魯曾參字子輿

仲尼弟子傳

參讀爲駉。秦風：小戎篇箋云：駉，兩駢也。桓三年左傳：正義云：初駕馬者以二馬夾轅而已。又駕一馬與兩服爲參。故謂之駉。又駕一馬乃謂之駟。故說文云：駉

駕三馬也。駟一乘也。總舉一乘則謂之駟。指其駢馬則謂之駟。詩稱兩駟如舞。二馬皆稱駟。禮記稱說駟而賻之一馬亦稱駟。是木其初參遂以爲名也。名駟字子輿者。駕馬所以引車也。

秦公子鉞字伯車

晉語

鉞讀爲鈞

玉篇其沾切。又敕淹切。

鉞鈞古字通。夏官射鳥氏注

并夾鉞箭具。釋文鉞其炎反。李其嚴反。沈云。或作鈞。是也。說文鈞膏車鐵鈞。

魯孔穿字子高

史記孔子世家

案車轂口金也。高讀爲膏。車行則膏轂之穿以利轉。

故穿字子膏也。先鄭考工記注云：賢大穿也，軹小穿也。後鄭云：犬小穿皆謂金也。說文：鉗車轂口鐵也。史記田敬仲世家：豨膏棘軸，所以爲滑也。然而不能運，方策言必以膏之滑運穿之圓也。孟軻荀卿傳多轂過髻集解云：劉向別錄過字作輶，輶者車之盛膏器也。索隱云：過爲潤轂之物，今人車旁懸小油瓶而置毛帚於其中，時出其油以潤轂口。犬穿小穿皆潤之，謂之膏車，是矣。

秦公子繫字子顯

說文：繫，或馬宗，云絆馬也。檀弓：子顯以致命於穆公。

鄭注云使者公子繫也。引盧植注云古者名字相配。

顯當作鞣。

呼見切。

案鞣說文作鞣云著腋鞣也。

左傳釋文正義。

並引作鞣。

鞣名鞣經也。橫經其腹下也。義與說文相

近。惟僖二十八年左傳鞣鞣鞣杜預注云杜背曰

鞣與說文釋名異義。史記禮書絞鞣徐廣用說文小

司馬用釋名而玉篇廣韻則皆用杜注不復存古義

矣。

齊宗樓字子陽

哀十一年左傳。

樓讀爲鏤。陽讀爲錫。大雅韓奕篇鈎膺鏤錫。傳曰鏤

錫有金鏤其錫也。箋曰。自上曰錫。刻金飾之。今當盧

也春官巾車。玉路錫鄭注曰錫馬面當盧刻金爲之
所謂鑊錫也

宋樂轡字子蕩

襄六年左傳

蕩讀爲暢廣韻鞞

與章切

馬額上鞞鞞

則古切

鞞名

說文鞞馬

頭絡銜也

案鞞勒之杜額上者也疑卽詩鈞膺鑊錫之錫

字或從革耳廣韻錫

與章切

馬額飾聲義正同轡與勒

相近故名轡字鞞鞞與蕩聲相近故通作蕩鞞之爲

蕩猶陽谷之爲湯谷也

史記五帝紀索隱

鄭然丹字子革

昭十三年左傳

古者用革多以丹染之若齊風載驅之朱鞞

毛傳云諸侯之

路車有朱革

小雅瞻彼洛矣之韎韐

土冠禮注云韎韐韞韐也合韋

之質而用飾

爲之染以茅

杜注云韎赤色

蒐因以名馬

成十六年左傳之韎韐

春官司服凡兵

事韋弁服

鄭注云以韎韐爲弁又以爲

鄉射禮記之

衣裳引春秋傳

晉郤至衣韎韐之跗注

韎注云以朱

韋當

鄭注云直心背之衣

韎注云以朱

日尚以丹韋爲之

大射儀之朱極

韎注云以朱

明堂位之朱干

注云朱干赤大盾也齊語定

吳語之

丹用

宣二年左傳從其有皮

皆是也其他不可枚舉

丹漆若何

譏棄甲也

潛夫論志氏姓篇作子木金父子木

朱孔金父子木

桓元年左傳正義引世本作木金父

蓋其字也

晉解侯字張

成二年左傳案傳稱張侯者

文十一年傳

正義曰

古人連言名字者皆先字後名

說文侯從人從厂象張布夏官射人王大射則以狸

說文侯從人從厂象張布夏官射人王大射則以狸

步張三侯。

朱張字子弓

論語微子篇釋文引王弼注

說文張施弓弦也。

鄭豐卷字子張

襄三十年左傳

卷讀爲卷。漢書司馬遷傳張空卷。

音邱權切。又音卷。

冒白刃

李奇注曰卷。弩弓也。字或作卷。文選閒居賦注引張

晏曰。連弩三十。箭共一臂。

箭音卷。

或曰卷讀爲確。

巨員切。

說文確弓曲也。

楚令尹舍字子發

荀子彊國篇

發讀爲拔。古字發與拔通。

鄭注檀弓曰。公叔文子。名拔。或作發。秦風駟

鐵篇舍拔則獲傳云拔矢末也箋云拔括也緇衣引
大甲曰若虞機張往省括于度則釋釋亦舍也或曰
發發矢也與舍同義

楚公子比字子干

昭十三
年左傳

牧誓比爾干傳云干楯也正義曰竝以扞敵故言也

齊弦章字子旗

呂氏春秋勿躬篇作弦章韓非子外儲
說篇作弦商商章古字通新序雜事篇

作弦甯章字之誤也管子小
匡篇作子旗蓋弦章之字

謂旄旗之采章也月令曰命婦官染采以爲旗章小

雅六月篇曰織文烏章大雅韓奕篇曰淑旂綬章郊

特牲曰旂十有二旒龍章而設日月爾雅曰因章曰

旃皆謂旌旗。旗章所以立表以示眾人。因而凡物之表皆謂之章。亦謂之旗。閔二年左傳。衣身之章也。佩衷之旗也。杜注云。旗表也。所以表明其中心。昭元年傳。舉之表旗而箬之制令。

鄭公子偃字子游

咸六年左傳注

駟偃字子游

昭十六年傳注

晉荀偃

字伯游

襄十三年傳

籍偃字游

晉語注

吳言偃字子游

仲尼弟子傳

顏成偃字子游

莊子齊物論篇

偃讀爲於。說文於旌旂之游於蹇之兒。讀若偃。古人

名偃字子游。案於本字也。偃偕字也。古人名字多假

借。必讀本字而其義始明。

齊欒施字子旗

昭十年左傳

鄭豐施字子旗

昭十六年傳注

魯丕馬

施字子旗

仲尼弟子傳旗論語述而篇通作期

說文施旗兒齊欒施字子旗知施者旗也。旖。旗旖施

也。

楚鬬成然字子旗

昭十三年左傳

成然旃也。疾言之爲旃。徐言之爲成然。成然之合爲

旃。猶終葵之合爲椎也。

說文椎。背謂之終葵。

成與旃終與椎。今

韵俱不同位而呼旃爲成然。呼椎爲終葵者。古音寬

緩。依類相從。非若後世之拘牽破碎也。左傳宋元公

大子欒。史記宋世家作頭曼。董趙廣川書跋云孫炎

以緜爲頭曼合聲。史記貨殖傳。范子計然。徐廣注。云計然者。范蠡之師也。名研。研亦計然之合聲。計與研頭與樂俱不同位也。春官司常掌九旗之物名。通帛爲旛。旛與旂同。爾雅曰。因章曰旂。說文。旂。旗曲柄也。所以旂表土。袞。

榮旂字子祺

仲尼弟子傳

祺讀爲旗。唐書禮樂志。正作榮子旗。春官司常掌九旗之物名。交龍爲旂。爾雅曰。有銜曰旂。

楚文之無畏字子舟

文十年左傳

無語詞。畏讀曰椳舟。上柱也。釋名曰。船又曰舟。言用

流也其前立柱曰楫

俗作桅說文無桅字

根魏也巍巍高貌也

周王札子字捷

宣十五年左氏經傳杜注曰王札子王子札也蓋經文倒札字

捷讀曰楫船楫也釋名曰船杜旁撥水曰楫又謂之

杓形似札也又謂之楫楫捷也撥水使舟捷疾也是

楫與捷聲相近

玉篇楫才立子葉二切捷疾葉切

故楫通作捷

楚成得臣字子玉

僖二十三年二十七年左傳

春秋定九年夏得寶玉大弓左傳曰陽虎歸寶玉大

弓書曰得器用也凡獲器用曰得案器用之美者莫

如王故名得字玉或曰得讀爲德古字德與得通

易象傳君子以順德釋文姚本德作得論語微子篇何德之衰漢石經德作得玉藻曰君子

無故玉不去身。君子於玉比德焉。聘義曰：君子貴玉而賤珉者何也？夫管者，君子比德於玉焉。管子水地篇：夫玉之所貴者，尤德出焉。

齊陳瓘字子玉

哀十五年左傳

昭十七年左傳瓘

工玩切

瓘玉瓚杜注云：瓘，珪也。瓘，玉

爵也。案珪乃玉瓚之柄

見考工記玉人注

既言玉瓚則柄杜

其中不得更言作柄之珪矣。且珪與瓚一物也。瓘又

一物也。瓘玉瓚之間，何得雜之以瓘乎？遍考書傳亦

無謂珪爲瓘者。杜說非也。今案瓘與玉瓚對文則

瓘乃玉石之名。說文瓘玉也。引春秋傳曰：瓘瓘。然則

璫。璫者以璫爲璫猶玉璫以玉爲璫也。竊疑璫爲璫之或體。說文璫石之美者。從玉昆聲。或從貫作璫。禹貢瑤琨馬融本見釋文及漢書地理志皆作瑤璫。禹貢釋文引韋昭音貫蓋漢書音義。正與璫同音。璫卽璫也。璫。璫猶言瑤爵耳。王肅注禹貢曰瑤琨美石次。玉者也。故陳璫字子玉矣。說文誤分璫璫爲二字耳。

衛蘧瑗字伯玉

襄二十六年左傳

爾雅好倍肉謂之瑗。說文瑗大孔壁人君上除陞以相引。

楚觀從字子玉

昭十三年左傳

從讀爲琮。才宗切

聲相近而假借也。說文：琮，瑞玉。大八

寸似車釭。

附

魏翟觸字璜

說苑臣術篇

大戴禮記保傅篇下車以佩玉爲度。上有蔥衡下有雙璜。銜牙玼珠以納其閒。玉藻佩玉有銜牙。鄭注云居中央以前後觸也。正義曰：凡佩玉必上繫於衡下垂二道穿以蠙珠下端前後以縣於璜中央下端縣以銜牙動則銜牙前後觸璜而爲聲。

石作蜀字子明

仲尼弟子傳案廣韻以石作爲複姓

蜀讀爲燭。韓子外儲說篇曰：舉燭者尚明也。

齊陳書字子占

昭十九年左傳

說文占視兆問也。金滕乃卜三龜。一習吉。啓籒見書

乃井是吉。鄭注云三龜占書亦合於吉。

正義引

正義云

周禮大卜。其經兆之體皆百有二十。其頌皆千有二百。占兆之書則彼頌是也。呂刑明啓刑書。胥占亦謂明問刑書相與視之也。

鄭石制字子服

宣十二年左傳

制讀爲製。說文製。裁衣也。定九年左傳。暫績而衣狸製。服虔注云。狸製。狸裘也。

見幽風七月正義

哀二十七年傳

陳成子衣製杖。戈杜預注云。製雨衣也。說苑復恩篇

吳赤市使於智氏假道於衛甯文子具紵綸三百製將以送之。史記叔孫通傳通儒服漢王憎之迺變其服服短衣楚製則製乃衣服之通稱也。

智仲孫它字子服

名語

宅讀爲袿說文袿裙也裙衣袷也。

紀裂繻字子帛

隱二年左氏經傳

內則男鞶革女鞶絲鄭注云鞶小囊盛悅巾者有飾緣之則是鞶裂與

此讀桓二年左傳之鞶屬爲鞶裂

詩云垂帶如厲

小雅都人士箋云厲當作裂。

紀子帛名裂繻字雖今異意實同也

案鞶囊有飾謂之裂書傳無文詩毛傳及左傳服注

並云厲帶之垂者無煩讀厲爲裂而以爲鞶囊之飾也。裂繻蓋謂裂帛邊以爲符信。漢書終軍傳關吏子軍繻張晏注云繻符也。書帛裂而分之若券契矣。蘇林注云繻帛邊也。舊關出入皆以傳。傳煩因裂繻頭合以爲符信也。紀子帛名裂繻則裂繻爲符春秋時已有之。不始於漢世矣。

陳公子佗字五父

莊二十二年左傳

佗讀爲純。召南羔羊篇素絲五純。素絲五絨。素絲五總。毛傳曰絨數也。絨縫也。案訓絨爲縫本於爾雅尋釋三章文義實不當如爾雅所總數也。案純絨總皆數也。五絲爲純。四純爲絨。

四絨爲總。五純二十五絲。五絨一百絲。五總四。百絲

故詩先言五純。次言五絨。次言五總也。西京雜記載

鄒長倩遺公孫宏書曰。五絲爲緝。倍緝爲升。倍升爲

絨。

絨今本調作絨。埤雅引此正作絨。

倍絨爲紀。倍紀爲繆。倍繆爲緞。

繆與總通。國風九罭釋文曰。繆字又作總。然則絨者二十絲。總者八

十絲也。

孟康注漢書王莽傳曰。繆八十縷也。說文作縷。云布之八十縷爲繆。正與倍紀爲繆之數

相純之數。今失其傳。案釋文曰。純本又作侗。春秋時

陳公子侗字五父。則知五絲爲純。卽西京雜記之緝

矣。

附

周王子叔繡字錯

漢書地理志注引世本云。錯叔繡文王子。案繡名也。錯字也。古人連

言名字者皆先字後名。故稱諸叔繡名與伯仲叔季。並稱者猶夏后禹之爲伯禹周公旦之爲叔且也。

王氏南陔曰。說文繡五采備也。考工記五采備謂之繡。鎔金涂

也。詩大雅韓奕篇簞第鎔衡。毛傳云鎔衡文衡也。孟子云所以不願人之文繡也。是鎔與繡有文章交鎔之義。左思蜀都賦云疆理綺鎔。引之案秦策云秦韓之地形相鎔如繡。是繡固文章相鎔者也。故地形之相鎔者取喻於繡焉。

鄭公子論字子印。春秋世族譜

論讀爲綸。漢書古今人表鄭成公綸。顏注曰綸音工頑反。左傳作論。音工頓反。綸印綬

也。說文綸糾青絲綬也。印。執政所持信也。法言孝至

篇五兩之綸。半通之銅李軌注云綸如青絲繩也。五兩之綸。半通之銅皆有秩。嗇夫之印。綬後漢書仲長統傳無半通青綸之命。李賢注引十三州志曰。有秩嗇夫得假半章印。綬案墨子號令篇云。有能得若捕告者。以其所守邑大小封之。守還授其印。又云。候三發三信。許之二百石。之吏守。佩授之印。史記蔡澤傳。懷黃金之印。結紫綬於要。蓋官吏之有印綬。由來已久。鄭公子綸字子印。則春秋時已有佩印綬者。不始於漢矣。

齊公子于字且

哀六年左傳。南郭且于。杜注且于。齊公子鈕也。案且與鈕道紐其字也。于其名。

也。友十一年傳正義曰。古人連言名字者皆先字後名。故稱且于。

于讀爲芋。且讀爲菹。

釋文且子餘反聲與菹相近。

說文菹酢菜也。

士衷禮。罷豆兩。其實葵菹芋。胤臨卽注云齊人或名全菹爲芋。公子齊人。故取以爲名字與。

顏祖字襄

仲尼弟子傳

祖讀爲菹。

祖菹皆從且得聲。

襄讀爲釀。

釀從釀聲。釀從襄聲。

聲近假借。

也。廣雅釀

音攘。

菹也。菹與菹同。說文釀菜也。廣南云

釀菜爲菹。菹亦與菹同。釀之言釀也。卽注內則說菹

云釀菜而柔之以醢。殺腥肉及其氣釋名云菹阻也。

生釀之。遂使阻於寒溫之間不得爛也。或曰祖讀爲

垣壤。垣爲壞。方言。坻垣。郭音傷。場也。音傷。梁宋之間。蚘

蟬鼠之場。謂之坻。蚘場。謂之垣。郭注云。蚘。蚘蟬也。

其糞名垣。隱三年。穀梁傳。疏壤徐邈音傷。麋信云。齊

魯之間。謂鑿地出土鼠作穴。出土皆曰壤。壤卽場也。

鄭公子平字子豐。

春秋世族譜

平。疑當作牟。隸書牟字或作丰。見北海相景君銘孔龢碑。與平相

似而誤。名牟字豐。取豐牟之義也。齊僖公之母弟夷

仲牟。亦以年爲名。

秦白丙字乙。僖三十二年左傳作白乙。三十三年傳作白乙。丙蓋白姓也。乙字也。丙名也。稱白乙

丙者。文十一年傳正義曰。古人連言名字者。皆先字後名。

丙火也剛日也。乙木也柔日也。各丙字乙者。取火生於木。又剛柔相濟也。

鄭后癸字甲父

春秋世族譜以石甲父后癸爲一人。元和姓纂曰。鄭后癸字甲父。

癸水也柔日也。甲木也剛日也。各癸字甲者。取木生於水。又剛柔相濟也。

楚公子壬夫字子辛

襄五年左傳

壬水也剛日也。辛金也柔日也。名壬字辛者。取水生於金。又剛柔相濟也。匡謬正俗曰。襄五年楚公子壬夫字子辛。今之學者以其字子辛。遂改壬夫爲壬夫。同是日辰名字。相配也。按楚有公子午字子庚。庚是

十幹。午是十二支法有相配。或者此人以庚午歲若庚午日生。故名庚字子午耳。辛壬同是十幹。若以辛生。則不得名王。若以壬生。則不得字辛。此與庚午不相類。固當依本字讀爲王夫。不宜穿鑿改易爲壬也。以上匡案顏說非也。公子午字子庚。自以幹支相配。諺正俗。公子王夫字子辛。自以十幹相配。二者意義各殊。不得以彼例此也。若謂同是十幹。不宜相配。則何以秦之白丙字子鄭。之后癸字甲父衛之夏戊字丁乎。十幹相配。義取五行相生。非謂其以此日生也。又何嫌於名壬字辛乎。古人名字相應。若如顏說作王。則與

辛不相應豈古人名字之例乎。

衛夏戊字丁

襄十一年一十五年左傳

戊。土也。剛日也。丁。火也。柔日也。各戊字丁者。取土生於火。又剛柔相濟也。

楚公子午字子庚

襄十一年左傳

小雅吉日篇吉日庚午。既差我馬。傳云。外事以剛日

鄭邛癸字子桺

昭十六年左傳注

桺讀爲酉。說文桺從木而聲。而。古文酉。是酉桺聲相近。故借桺爲酉也。酉之爲桺。猶酉之爲甌也。漢書律厯志曰。甌孰於酉。訓酉爲甌也。甌亦以而爲聲。

錢氏廣伯曰。吳志虞翻傳注翻說堯典桺谷曰古大
篆卮字讀當爲桺。古桺卮同字。案堯典以卮爲桺此
以桺爲卮。

魯顏幸字子桺

仲尼弟子傳

錢氏廣伯曰。幸乃辛之譌。桺亦當讀爲卮。引之案明
金婚本家語正作顏辛。洪邁隸續釋魯峻石壁殘畫
象顏子桺云。考孔子家語。史記七十子傳。顏子桺名
辛。則所見弟子傳辛字尚不誤。

附魯泄桺字子庚

孟子告子篇子桺子思爲臣。趙注曰
子桺泄桺也。說苑雜言篇子桺作子

庚。

錢氏廣伯曰。柳亦當讀爲耶。引之案。耶。古文酉淮南時則篇云仲秋之月。招搖指酉。其日庚午。故名酉字庚。

楚圖空申字子面

僖二十六年左傳

公子申字子面

哀六年魯會

申字子面

經典釋文敘錄

淮南時則篇。孟秋之月。招搖指申。其位西方。文十八年左傳。齊懿公游于申池。杜注云。齊南城西門名申門。水經淄水注云。系水出齊城南。東北流。直申門西。京相璠杜預並言申門卽齊城南。疑當作南面而弟一門矣。爲申池。然則面謂之申。古之恆言也。名宐申。

者謂宓直申方也。宓申猶言利而陷耳。

楚公子辰字子商

成十年左傳

昭元年左傳管高辛氏有二子。伯曰闕伯。季曰實沈。居于曠林。不相能也。日尋干戈。以相征討。后帝不臧。遷闕伯于商邱。主辰商人。是因故辰爲商星。杜注曰商邱。宋地。主辰。主祀辰星辰。大火也。商人湯先相土封商邱。因闕伯故國。祀辰星。

鄭公子宋字子公

宣四年左傳

宋國公爵。

晉女齊字叔侯

襄二十九年左傳

齊國侯爵。

陳公子楚字子宋

元和姓纂。蓋出世本。

鄭游楚字子南

昭元年左傳

魯林楚字南

定八年左傳林楚公羊作臨南。臨與

林通南其字也。子叔文楚字仲南。狐。文之無畏。耿之不。比皆以之爲語詞。

元和姓纂引世本。案文疑之。春秋時。燭之武佚之。

商頌殷武篇。維女荆楚居國南鄉。

衛公子。楚字南。

一名荆。春秋世族譜以公子荆南楚爲一人。案南楚見昭二十年左傳。

楚名也。南字也。古人連言名字者。皆先字後名。故稱南楚。楚又名荆耳。襄二十九年傳吳公子札適衛說。遽瑗

史狗史鮪公子荆公孫發公子朝皆人名。

秦秦祖字子南

仲尼弟子傳

祖讀爲楚聲近假借也。荆楚之楚通作祖。猶詩衣裳

楚楚之楚。說文引作𦉳也。祖讀皆以且爲聲。秦祖字子南。猶

游楚字子南也。或曰祖讀爲沮。漢書地理志漢中郡

房陵縣東山沮水所出。東至郢入江。字或作𦉳。定四

年左傳楚子涉睢濟。入于雲中。哀六年傳江漢睢

漳楚之望也。杜注云。泗水杜楚界。故字子南。

衛公子郢字子南。哀二年左傳

說文郢。故楚都。杜南郡江陵北十里。

陳夏徵舒字子南。成二年左傳楚公子追舒字子南。襄

十二年左傳氏經傳

徵古懲字。魯頌閟宮篇。荆舒是懲。史記建元以來侯
者年表作荆舒。是徵。懲舒。追舒。蓋以時事名之也。定八
年左傳。苦越生子。將待事而名之。陽州之役。獲焉。名之曰陽州。文十二年左傳。羣舒
叛楚。杜注云。羣舒。舒庸。舒鳩之屬。今廬江南有舒城。
舒城西南有龍舒。

陳公子少西字子夏

宣十一年左傳。即楚語公子夏也。

鄭公孫夏字子

而棄十年

傳注

而夏。國名也。逸周書史記篇。晉者。而夏。性仁。非兵。城
郭不脩。武士無位。惠而好賞。屈而無以賞。唐氏伐之。
城郭不守。武士不用。而夏以亾。或曰。大夏。山名也。呂

氏春秋古樂篇。管者伶倫自大夏之西。乃之阮陰之
陰。取竹於嶰谿之谷。高注云。大夏西方之山。本味篇
和之美者。大夏之鹽。注云。大夏澤名。或曰。山名。杜西
北。

魯苦越字夷

定七年八年左傳

鄧靈公夷字子蠻

成二年左傳

一字子貉

昭二十八年傳

齊東郭牙

呂氏春秋重言篇

字垂

說苑權謀篇

牙讀爲圍

牙古讀如吾與圍聲近而通

兩雅圍垂也。孫炎云。圍國

之四垂也

大雅柔正義

晉師曠字子野

昭八年左傳

小雅何草不黃篇匪兕匪虎率彼曠野。毛傳云曠空也。曠或作曠。孟子離婁篇民之歸仁也猶水之就下。獸之走曠也。趙注云獸樂曠野。

附

楚屈平字原

史記屈原傳
楚辭離騷注

爾雅廣平曰原。昭元年公羊傳上平曰原。

附

趙李緞字牧

秦策

緞當爲極。極古藪字。禮運鳳皇麒麟皆杜郊。極鄭注云極聚草也。釋文極素口反。徐摠會反。澤也。本或作藪。案徐音摠。會反。則所見本極誤作藪可知。然則秦策亦是極。譌爲藪。傳寫者又譌爲緞耳。名藪字牧者。

天官大宰九職四曰藪牧。藪者蕃鳥獸。鄭注云澤無水曰藪。牧者田。杜遠郊皆畜牧之地。

楚沈諸梁字子高

哀十六年左傳

廣韻楚文王庶子有會邑諸梁者諸都古字通

禹貢孟豬

夏官職万氏作望諸。史記夏本紀作明都。諸梁蓋卽都梁也。史記建元以

來王子侯者年表都梁侯長沙。定王子。漢書地理志

零陵郡都梁侯國。水經資水出零陵都梁縣路山鄴

道元注云都梁縣漢武帝元朔五年以封長沙定王

子敬侯遂之邑也。縣而有小山。山上有渟水其中悉生蘭草俗謂蘭爲都梁。山因以號縣受名焉。案梁者

橫亘之稱故山多以梁為名。

若書治梁及峻詩奕奕梁山。爾雅梁山晉望梁。

山之犀象。孟子去邪。臨梁山。齊策畢季梁父。山海經。梁山高梁山。水經注。嵩梁山之類。不可枚舉。都

梁山亦是也。蘭草本因所生之山而得名。非山因所

生之草而得名也。其名都梁者。或取水滄山上之義

說文。滄。水所停也。檀弓。鄭注云。南方謂都為豬。都梁

者。豬梁也。都梁山名。故字子高。

魯公孫有陘字山

爾雅。山絕陘。郭注云。連山中斷絕。說文。陘。山絕坎也。

陘之言。陘也。廣雅。陘。古定切。

隔也。隔絕不相連之稱也。

凡兩山中斷以成隘道者。皆謂之陘。故述征記云。太

行山。自河內北至幽州。凡有八陁。

見元和郡縣志

或曰山阪。

謂之陁。廣雅陁。阪也。孟子盡心篇。山徑之蹊。閒介然。

趙注云。山徑。山之領。徑與陁通。領亦阪也。

廣雅嶺。阪也。法

言吾子篇作山陁之蹊。

宋公子段字子石。

襄二十一年左傳

鄭公孫段字子石。印段字子

石。

並襄二十七年傳

段讀爲鍛字。或作鍛。大雅公劉篇。取厲取鍛。傳云。鍛

石也。箋云。鍛石所以爲鍛質也。取鍛厲斧斤之石。可

以利器用。說文。鍛厲石也。引春秋傳曰。鄭公孫碣字

子石。唐元度九經字樣。碣音霞。見春秋。案陸德明毛

詩音義。鍛本又作殿。下亂反。引說文云。殿厲后。又引字林。大喚反。廣雅。殿厲也。曹憲音都玩反。則殿之音段相承自古。唐以前未聞有作殿而音賈者也。殿從后段聲。故鄭公孫殿左傳。但作段。則所謂見春秋者亦必作殿而不作殿音段而不音賈矣。玉篇。殿都亂切。礪后也。殿下加切。礪殿高下也。殿殿字體各異音義俱別。又安可讀殿厲之殿爲礪殿之殿乎。徐錯徐鉉音說文。殿字爲乎加切。蓋沿唐元度之誤而不知耳。廣韻下平聲九麻。殿胡加切。礪后也。引春秋傳曰。鄭公孫殿字子后。亦沿俗本說文之誤。

楚公孫龍字子后

仲尼弟子傳

龍讀爲鶻鶻亦厲石也說文鶻礪也從石龍聲晉語

趙文子爲室斲其椽而鶻之賈逵注云鶻磨也

見枚乘諫

一吳王荀子性惡篇鈍金必待鶻厲然後利楊注云鶻

厲皆磨也。

魯公子堅字石

元和姓纂魯僖公生其叔堅堅生惠叔子叔爲公石氏案石蓋堅之字公石者

公子石也。猶公子衍公子

子爲之稱公衍公爲。

呂氏春秋誠廉篇石可破也而不可奪堅。

齊公孫青字子石

昭二十一年左傳

齊風著篇充耳以青乎而毛傳云青青玉也正義云考工記玉人云天子用全則公侯以下皆玉石雜言

青玉亦謂玉石雜也。青為玉石雜。故字子石。或曰青空青也。石之類也。秋官職金。掌凡金玉錫石丹青之戒。令鄭注云。青空青也。管子小稱篇丹青杜山民知而取之。揆度篇秦明山之會青神農本草玉石部有空青會青白青扁青膚青。

魯公斂陽字處父。定八年左傳

僖二十八年穀梁傳。山南為陽。大雅皇矣篇居岐之

陽是其義也。或曰陽溫也。爾雅七月箋管子山合篇夏處

陰冬處陽。謂夏就寒冬就溫也。

宋蕩澤字子山。成十五年左傳

齊公子湫字子淵

廣韻下平聲一先及古
今姓氏書辨證引世本

說文湫

子了切又
卽由切

安定朝那有湫淵漢書郊祀志湫

淵祠朝那蘇林曰湫淵杜安定朝那縣方四十里停
水不流冬夏不增不減不生草木顏師古曰此水今
在涇州界清徹可屢不容穢濁或誼汚輒興雲雨紫
湫者水清之貌淮南原道篇湫溲寂寞高注云湫溲
清靜也淵水清徹故謂之湫矣。

魯顏回字子淵

仲尼弟
子傳

說文淵回水也回淵水也

又部夏
字注

列子黃帝篇鯁桓

之潘爲淵止水之潘爲淵流水之潘爲淵濫水之潘

爲淵沃水之潘爲淵。汎水之潘爲淵。雝水之潘爲淵。雝水之潘爲淵。汧水之潘爲淵。肥水之潘爲淵。殷敬順釋。文云潘本作蟠蟠。泗流也。河與同同荀子致士篇。水渙則回。釋名說弓云。簫附之謂曰淵。淵宛也。言宛曲也。回水爲淵。亦水之宛曲盤回也。

鄭公孫闕字子都

隱十一年左傳

繼水謂之闕。聚水謂之都。說文闕遮攤也。闕與遏通。廣雅。都。歇也。水經文。水注曰。水澤所聚謂之都。亦曰。滌。漢書召信臣傳。開通溝瀆。起水門。提闕。顏師古注。云闕所以壅水。提闕卽隄堰也。爾雅。隄謂之梁。鄭仲師注。天官。敝人云梁。

水偃也。偃

又謂之竭。

文選沈休文三月三日率兩成篇詩注云。偃築土以壅水也。一

作竭音竭。魏志劉馥傳興治芍陂。及茹陂七門。吳塘諸竭以溉稻田。竭之言遏也。遏之

則聚而成都矣。禹貢熒播既豬。

豬與豬同。

傳云熒澤播水

己成遏豬。正義云言壅遏而爲豬。史記夏本紀作熒

播既都。

播弓潒其宮而豬。鄭注云豬都也。南方謂都爲豬。

地官稻人以豬畜

水鄭注引春秋傳規偃豬。

集二十五。年左傳

云偃豬者畜流

水之陂也。案偃豬卽遏豬。偃遏一聲之轉耳。

滅字子蒲

指

王氏南陔曰滅卽莫之借字。說文莫字說引周書曰布重莫席。織蒲席也。讀與蔑同。蒲蒲子可以爲平席。

今周書作敷重蔑席。馬融云：蔑，纖弱。釋文：王肅云：纖弱。

華席。疏：蔑字是漢時通用。古文蓋作莫莫，是纖弱。弱

爲蒲子，故名莫字蒲。

秦公孫枝字子桑。

僖九年十一
年左傳晉語

楚鬬椒字伯芬。

僖二十八年左傳

一字子越。

文九年十
六年傳

周劉狄

昭二十
六年傳

字伯益。

昭二十
二年傳

芬，芬古字通。說文：芬，艸初生其香分布也。或從艸作

芬。又曰撈香木也。荀子禮論：椒蘭芬苾，所以養鼻也。

故名椒字伯芬。越謂香之發越也。韋昭晉語注曰：越

發聞也。宋玉高唐賦曰：越香掩掩，司馬相如上林賦。

曰。椒香發越。是也。故又字子越。狄當爲秋。字形相似。

而誤也。

中山經。大山有草。其葉狀如萩。而赤。萇。韓子。十過篇。萩蒿。楷楚。今本萩。譌作萩。趙策。萩蒿。

苦楚。今本

秋。譌作萩。秋者。椒之假借。古聲。椒與秋同。故椒或作

萩。

文九年。左氏春秋經。楚子使椒來聘。穀梁。或作萩。萩。文九年。公羊釋文。亦曰椒。一本作萩。

或作萩。

襄二十六年。左傳。椒鳴楚語。作泓。鳴椒舉。古今人表。作秋。舉昭三年。傳子服椒。十三年。傳子服滋。又

作秋也。劉秋字伯益。與鬪椒字伯芬。同。芬。益。皆芬之

假借也。鬪伯芬之子爲益黃。

見說苑善說篇。

益卽芬也。以其

父字爲氏。

鄭公孫黃字子蟜。

襄九年左傳注。

說文。黃。毒蟲也。

黃與蟜。居天。黃同。蟜。切。

毒蟲也。

一徐本皆云。蟜。蟲也。案說文。蟜。

螭螭蠶蚺蠶六字連文則螭爲毒蟲矣蟲也之上。本
有毒字寫者脫去耳。蕭該漢書朱博傳音義引呂靖
韻集云螭毒蟲也。玉篇
與韻集同並本說文。案螭卽蠶也。以其尾之夭矯

上曲故謂之螭。鄭公孫蠶字子矯。齊公孫蠶字子尾
其義一也。禹貢厥草惟夭。厥木惟喬。說文云。夭屈也。
喬高而曲也。爾雅釋木。句如羽喬。上句曰喬。小枝上
繚爲喬。釋獸。人曰矯。郭璞注。句如羽喬。曰樹枝曲卷
似鳥毛羽。注。小枝上繚爲喬。曰謂細枝皆翹繚上向。
注。人曰矯。曰頻伸。夭矯。犬人賦。低昂夭矯。以倨傲。豈
拙折隆竊踈。以連卷。喬矯。螭螭。近而義同。小雅都人
十篇。卷髮如蠶。箋云。蠶螭蟲也。尾未捷然。似婦人髮。

末曲上卷然，是其義矣。

齊公孫薑字子尾

昭三年左傳

魯公子奚斯字子魚

閔二年左傳

奚讀爲鮭，聲近假借也。

鮭，廣韻古攜苦圭戶佳三切，音皆與奚相近。鮭之爲奚，猶

鞋之爲

斯，語詞。北山經：攷茨之水，其中多赤鮭。郭注

云：今名鮭鮭爲鮭魚，論衡言壽篇：壽螯渥者，杜魚則爲鮭。與鮭鮭故入食鮭肝而外。今人所謂河魮也。或曰：奚斯，馬名。赭白馬賦注引劉邵趙都賦曰：良馬則飛兔。奚斯常驥紫燕，或作難斯。藝文類聚獸部上引太公六韜曰：太公與散宜生得犬戎氏文馬，毫毛朱

蠶曰如黃金名雞斯之乘是也字子魚者魚讀爲圍
鄭眾注夏官校人曰養馬爲圍

衛史鮪字魚

襄二十九年左傳注
論語衛靈公篇注

爾雅鮪鮪郭注云今泥鮪釋文引字林云似鱣鮪同俗作

鮪短小

善羊舌鮪字叔魚

昭十三年左傳

廣雅鱣鮪也并九二并谷射鮪鄭注云所生無大魚

但多鮪魚耳言微小也

見劉道吳都賦注

今人謂之鮪魚

楚公子魴字子魚

昭十七年左傳

爾雅魴魴郭注云江東呼魴魚爲魴案今人猶謂之

鰓魚

衛祝鮀字子魚

鮀定四年左傳作化假借字也論語莛也篤憲問篇正作鮀

爾雅鯨鮀郭注云今吹沙小魚體圓而有點文小雅

魚麗篇魚麗于鬣鱗鯨釋文引舍人爾雅注云鯨石

鮀也陸機疏云鯨魚吹沙也似鯽魚狹小常張口吹

沙

見初學記鱗介部

梁鱸字叔魚

仲尼弟子傳集解云鱸一作鯉

衛風碩人篇鱸鮀發發陸機疏云鱸形似龍銳頭口

杜頰下背上腹下皆有甲縱廣四五尺今於盟津石

磧上釣取之大者千餘斤郭璞爾雅注云鱸大魚似

鱠而短鼻口杜頰下體有邪行用無鱗肉黃犬者長
二三丈今江東呼爲黃魚

魯孔鯉字伯魚

史記孔子世家

衛公子鱒字子鮮

襄十四年左傳

士喪禮魚鱒鮒九

釋文鱒市轉反劉市專反

呂氏春秋本味篇魚

之美者洞庭之鱒高注曰鱒魚名鮮說文作鱒云新

魚精也

段云精卽鱒字

大雅韓奕篇魚鼈鮮魚

衛庾公羶字子魚

襄十四年左傳孟子離婁篇作庾公之斯古音支歌相近斯卽羶也

羶讀爲鱒說文鱒俗作鮒

則下切

鮒魚也南方謂之鮒北方

謂之鮒一曰大魚爲鮒小魚爲鮒字或作鱒天官庖

人共祭祀之好羞。鄭注云：若荊州之鱧魚，青州之蟹胥。

宋公子圍龜字子靈

成五年左傳

圍讀爲違，同聲假借也。易繫辭傳：範圍天地之化而不過。釋文：範圍，馬王肅張作

犯違管子形勢篇其功逆天者天違之。宋本違作圍。表記不廢日月不違龜筮

違龜猶違卜也。大誥曰：王害不違卜。是也。靈猶神也。

頤初九曰：舍爾靈龜，春官龜人。天龜曰靈，屬爾雅曰：龜俯者靈。

魯展喜字乙

僖二十六年左傳：展喜。魯語作乙喜。案喜名也。乙字也。文十一年傳：正義曰：古人連

言名字者皆先字後名。故稱乙喜。猶晉解彘字張而左傳稱張侯。鄭公子駢字子駟。而楚語稱駟駢也。

乙當爲乞。說文。乞。

鳥轄切

元鳥也。齊魯謂之乞。或從

鳥。又曰。孔通也。從乞。從子。乞。請子之候鳥也。乞至而

得子。嘉美之也。古人名嘉字子孔。案嘉者喜也。

禮運

嘉樂也。樂亦喜也。祭義。父母愛之。嘉而不怠。大戴禮

曾子大孝篇。嘉作喜。襄十九年左氏春秋。公子嘉。公

羊嘉作喜。漢書古今人表。鄭簡。楚辭天問。簡狄杜臺

公嘉。史記十二諸侯表。嘉作喜。

魯何宜。元鳥致詒女何嘉。王注云。簡狄侍帝譽於臺

上有飛燕墮。遺其卵。喜而吞之。因生契也。是也。古者

乞至而喜。故名喜字乞。

越文種字禽

呂氏春秋當染篇注

種讀爲雛。玉篇。雛。

充鞮切

雀也。廣韻。雛。小鳥飛也。故字

禽。

晉韓籍字叔禽

元和姓纂

籍讀爲鵠古音籍與鵠相近

詳見唐韻正

故鵠通作籍春

秋時晉有蒲城鵠居

成二年左傳正義引世本

戰國時秦有扁鵲

策莊子有翟鵠子

齊物論篇

是古人多以鵠爲名者也名

鵠故字禽

附

楚項籍字羽

史記項羽本紀

籍亦鵠之假借鵠鳥名也故字羽

原籍字亢

仲尼弟子傳原亢籍集解引家語曰名亢字籍案亢字也籍名也稱亢籍者文十一年左

傳正義曰古人連言名字者皆先字後名家語非也

籍亦鵠之假借字亢者爾雅曰亢鳥隴。

陳亢字子禽

論語學而篇鄭注

與原鵠字亢同義。

魯公子翬字羽父

隱四年左傳

鄭公孫揮字子羽

襄二十四年傳

翬本字也。揮借字也。爾雅鷹隼隴其飛也。翬舍人注

云翬翬其飛疾羽聲也。

小雅斯干篇正義

或曰翬雉名。公子

翬字羽猶項鵠字羽也。爾雅說雉曰伊雉而南素質

五采皆備成章曰翬。郭注云言其毛色光鮮。

音知營字子羽

晉語注

營讀爲營。小雅桑扈篇有營其羽毛傳云營然有文

章廣韻鷺鳥羽文也

晉卻豹字叔虎

晉語注

楚成熊字虎

昭十二年左氏經傳

成熊公羊作成然字之誤也隸書熊字作熊

漢刻熊碑或

作熊

白石神君碑

然字作然

劉熊碑

或作然

鄒閻頌

字形相似

故誤白虎通義號篇黃帝有天下號曰有熊本皆誤
爲自然正與此同

晉羊舌虎字叔羆

唐書宰相世系表

楚鬬殺於菟字子文

宣四年左傳若敖娶于邲生鬬伯比若敖卒從其母

畜於邠淫於邠子之女生子文焉。邠夫人使棄諸夢中。虎乳之。邠子田。見之懼而歸。夫人以告。遂使收之。

楚人謂乳穀。

奴口反。

謂虎於

音烏。

音徒。

故命之曰鬪。

此字衍說。

見經義述聞左傳。

穀於菟。案於菟。虎文貌。說文。於菟。黃牛。虎文。

讀若塗。菟。於菟。聲義並同。虎有文。謂之於菟。故牛有虎文。謂之於菟。於菟云者。言其文之於菟然也。說文。虎文也。於菟與虎聲近而義同。單言之謂之虎。重言之謂之於菟。

鄭罕虎字子皮。

襄三十一年左傳。

宋華驅字子皮。

昭二十一年左傳。

爾雅驅

丑于切

似狸。郭注云：今驅虎也大如狗。文如狸。

魯展獲字禽

魯語

說文獲猶所獲也。曲禮正義曰：爾雅云二足而羽謂之禽。四足而毛謂之獸。通而爲說獸亦可曰禽。故易曰：王用三驅。失前禽，則驅走者亦曰禽也。又周禮司馬職云：大獸公之，小禽私之。以此而言，則禽未必皆鳥也。禽名通獸者，以其小獸可擒，故得通名禽也。以上

正義名獲字禽者，義取田獵得獸也。或曰：戰伐得囚俘曰獲，亦曰禽。禽，古擒字也。周易集解并襄二十四年左傳：收禽挾囚。杜注云：禽，獲也。僖二十二年傳：不禽。

二毛卽槽弓之不獲二毛也

鄭公子駢字子駟

襄八年左傳

說文駢駢旁馬。駟一乘也。墨子七患篇云。凶饑存乎國。人君徹駢駢。謂但駕兩服不駕兩駢也。秦風小戎正義云。車駕四馬。在內兩馬謂之駢。在外兩馬謂之駟。春秋時鄭公子駢字子駟。是有駢乃成駟也。桓三年左傳正義云。駢馬名。駢者以駟馬有駢駢之容。故少儀云。駢駢翼翼。案駢之言分也。左右分列也。駢之言妃也。左右相配也。駢之言腓也。與兩服相芘倚也。駢之言業也。與兩服爲輔弼也。若取駢駢翼翼之義。

則四牡騤騤。小雅所詠不得兩驂獨謂之騤參。

魯子家駟字駒。

荀子大略篇注

說文羈馬絡頭也。馬二歲曰駒。案絡頭今謂之籠頭。馬一歲則箸籠頭。

恭正與子字子馬。

荀子堯問篇注案正蓋氏也。

駕馬所以引輿也。

宋司馬耕字子牛。

仲尼弟子傳

一名犁。

論語顏淵篇注

魯冉耕字伯

牛。

仲尼弟子傳

古者耕以人耦不用牛力作耕非本義也。耕當讀爲。經說文極切。牛剝下骨也。引春秋傳曰宋司馬經。

字牛卽司馬耕也昭二十年傳有華輕孟子告子篇
有宋輕是古人多以輕爲名司馬輕亦是也耨耕亦
當爲耨輕古字假借耳司馬牛一名犁者論語雖也
篇犁牛之子驂且角何注云犁雜文也淮南說山篇
馭屯犁牛旣科以橈橈今本誤作耨
辨見淮南雜志高注云犁牛不
純色。

莒苑牧之字羊

昭二十二年左傳案昭二十年傳有苑
何忌則苑乃姓也古姓名與字並稱者

恆字而後名若百里
孟明視苑羊牧之是矣

宋羊斟字叔牂

宣二年左傳
案羊斟名也

羊斟史記宋微子世家作羊羹案羊斟卽羊羹也肉

汗謂之羹亦謂之斟。燕策。厨人進斟羹。史記張儀傳。

作厨人進斟。

趙世家使厨人採銅料行斟。

索隱云斟謂羹汁故名。

汁曰斟。方言。斟汁也。北燕朝鮮泐水之側曰斟。關西。

曰泐。羊斟字叔牂者。爾雅云羊牝。牂錢氏曉微。養新。

錄云淮南繆稱云魯酒薄而邯鄲圍羊羹不斟而宋。

國危則斟爲斟酌之義。左傳其御羊斟不與當以羊。

爲其御之名斟不與三字爲句。細玩下文共御字。叔。

牂正與羊名相應。傳文後兩斟字。或後人所加。引之。

案呂氏春秋察微篇。鄆公子歸生率師伐宋。宋華元。

率師應之。大棘羊斟御。明日將戰。華元殺羊饗士。羊。

斟不與焉則華元之御。自以羊斟二字爲名。傳云其御羊斟不與。又云君子謂羊斟非人也。又云詩所謂人之無良者其羊斟之謂乎。皆以羊斟連讀不得以斟不與三字爲句。亦不得謂下文兩言羊斟斟字皆後人所加也。淮南所云當由誤讀左傳而然。殊不足據。漢書古今人表亦有羊斟斟字之屬。上讀明甚。

衛高柴字子羔

仲尼弟子傳

柴讀爲犖。同聲假借也。說文犖

玉篇七移切

羊名。蹠皮可

以割。秦召南羔羊傳云。小曰羔。犬曰羊。

名字相應。故訓所存。而古義不可周知。姑闕所疑。

侯達者列如左。

晉寺人勃鞞字伯楚

晉語一名披倍五年左傳蔡勃鞞之合聲爲披。

宋公子目夷字子魚

倍八年左傳

魯公子買字子叢

倍二十八年左傳

楚公子嬰齊字子重

實十一年左傳注

楚公子貞字子囊

成十五年左傳注

鄭良霄字伯有

襄十一年左氏經注

鄭罕嬰齊字子羔

昭十六年左傳注

楚伍員字子胥

昭二十年左傳注

魯季公亥字若

昭二十五年左傳

宋樂祁字子梁 定八年左傳

衛公孫彌牟字子之 哀十二年左傳注

齊顏涿聚字庚 哀二十三年左傳注

宋樂茂字子潞 哀二十六年左傳注

晉士蔿字子輿 晉語注

晉祁奚字黃羊 呂氏春秋去私篇注

齊離人巫字易牙 史記齊世家索隱引賈逵左傳注

魯孔箕字子京 史記孔子世家

魯冉雍字仲弓 以下說見史記仲尼弟子傳

武城澹臺滅明字子羽

江東橋疵字子庸

淳于光羽字子乘

魯公夏首字乘

魯縣成字子祺

上與榮旂字子祺相連疑因此誤衍字子祺三字。

衛廉絜字庸

魯公西蒧字子上

上與公面與如字子上相連疑因此誤衍字子上三字。

伯仲叔季兄弟之序也或與字俱稱或卽以爲字。雖以爲字與命名之義不相比屬列如左。

魯費齊父字伯

隱二年左傳注

鄭祭足字仲

桓五年左傳稱祭足十一年傳稱祭仲足名也仲字也杜注以爲名仲字仲足失之

魯公子慶父字仲莊二年在氏經稱公子慶父八年傳稱仲慶父慶父名也仲字也古人以

王父字爲氏故其後爲仲孫氏。

魯公子牙字叔莊三十二年左氏經稱公子牙傳稱叔牙牙名也叔字也古人以王父字爲氏

故其後爲叔孫氏。

魯公子友字季莊二十七年左傳稱公子友二十二年傳稱季友閔二年傳稱成季友名也季

字也古人以王父字爲氏故其後爲季孫氏。

楚成大心字孫伯僖二十八年左傳注

晉荀林父字伯宣十五年左傳注

衛侯剽字子叔襄二十六年左傳

魯公子慙字子仲昭十二年左傳

宋皇對字子仲

哀十四
年左傳

魯公肩定字子中

中與
仲同

魯頌之僕字叔

竝史記仲
尼弟子傳

春秋內外傳人名凡注以某爲某而今未知其審者
列如左。

楚鬬廉鬬射師

莊三十年左傳
注以爲一人

宋樂鉏將鉏

成十六年左傳正義云杜預於樂氏之下
樂鉏將鉏爲一人傳無樂鉏之文不知其

故何
也。

宋皇鄭大司馬椒

襄九年左傳正義引
服虔注以爲一人

鄭石冀石孟

襄二十二年
左傳注

鄭子般駟宏子思

哀二年左傳注以子般為駟宏二十七年傳注以子思為國參世族諸則

以子般駟宏

子思為一人

魯公子括伯御

周語注以括為伯御史記魯世家則以伯御為括之子。

魯匠師慶御孫

魯語匠師慶宗人夏父展莊二十四年左傳皆作御孫未知二人中孰為御孫

也韋注則以慶為御孫之名。

晉董褐司馬寅

吳語注以為一人哀十三年左傳作司馬寅。

晉竇犇字鳴犢

史記孔子世家閻竇鳴犢犇犇之从索隱云竇犇字鳴犢秦史記原文當作閻

鳴犢竇犇之从而無犇字二字下文竇鳴犢犇犇晉國之賢大夫也蓋鳴

之賢大夫也亦當作鳴犢竇犇晉國之賢大夫也蓋鳴犢一人也竇犇又一人也漢書古今人表以鳴犢竇犇

二人竝列孔叢子記問篇夫子及河間鳴犢與竇犇之見殺也迥與而旋皆本於史記而不及犇犇或作鐸鳴

犢魏志劉廙傳注引新序以趙犢犇晉鐸房魯孔某

爲三人或作澤鳴犢犢。說苑權謀篇以晉澤鳴犢犢。孔某爲三人而亦不及舜華。惟家語困誓篇襲史記之文而妄改之曰。趙簡子殺竇犢及舜華且以爲二人則是以竇犢鳴犢爲一人。舜華爲一人也。後人又據之以改史記。遂易鳴犢竇犢之文爲竇鳴犢舜華而原本不可復識矣。然考集解云。或作鳴犢竇犢。又作竇鳴犢舜華也。蓋裴駙所據本作鳴犢竇犢。其別本或作鳴犢竇犢。又或以家語改史記作竇鳴犢舜華耳。後人惑於家語。乃以改竄之本爲正文。遂作竇鳴犢舜華。遂與別本重複。不知正文作鳴犢竇犢。故集解記別本云。又作竇鳴犢舜華。若正文已作竇鳴犢舜華。則集解不須記此本矣。據別本以枝正文。其作鳴犢竇犢。明甚。小司馬不能釐正。乃據改竄之本而解之云。竇犢字鳴犢。疏矣。唐書宰相世系表古今姓氏書辨證。通志氏族略。皆沿誤本史記之誤。

附 晉文侯仇字義和

文侯之命父義和。傳云義和。字也。正義引鄭注云。義讀爲儀。儀仇皆

四也。故名仇字儀。案古天子於諸侯無稱字者。庚誥酒誥梓材三篇。王若曰。小子封。王曰。封。定四年左傳引蔡

仲命書云王曰胡又引踐土之盟載書云王若曰晉重
魯中衛武蔡甲午鄭捷齊潘宋王臣莒期皆稱其名其
他則稱伯父伯舅叔父叔舅而已未有稱字
者也或以義爲字或以義和爲字竝當闕疑。

附 鄒孟軻字子輿

文選辨命論引傅子云鄒之君子孟
子輿擬論語著七篇謂之孟子春秋

序釋文正義竝云姓孟名軻字子輿臧氏而成曰趙岐
孟子題辭云孟子鄒人也名軻字則未聞也據此則孟
子無字。

左傳人名有似異而實同者列如左

晉司馬督

昭二十
年左傳

司馬烏

二十八年傳案烏乃篤之譌
篤與督古字通漢書古今人

表正作
司馬篤。

晉魏曼多

定十三
年左傳

魏侈

史記晉
世家

魏侈

趙世家案多侈侈
古同聲而通用。

魯孟孺子洩武伯斨

哀十一年左傳注案洩
斨聲相近故斨通作洩。

王肅家語所列名字異於他書者皆不可信不敢屢

入列如左。

有若字子有

七十二弟子篇案史記仲尼弟子傳不云字子有。

漆雕開字子若

同上案史記作漆雕啓字子開。

秦商字不慈

同上案史記作字子不。

琴牢字子開一字張

同上案昭二十年左傳及孟子盡心篇皆作琴張莊子大宗師篇作

子琴張而無琴牢之文論語子罕篇牢曰鄭注亦不以爲琴張牢與琴張本非一人也而云琴牢字子開一字張又於家語序中表著之其爲臆撰之說顯然可見杜預乃用其說以注左傳誤矣漢書古今人表琴牢當作琴張後人據家語改之也琴張見於左傳孟子故人表列之若琴牢則書傳所無何由得列於人表乎

冉孺字子魚

同上案史記作字子魯。

伯虔字楷同上案史記作字折楷蓋哲之譌哲與折通史記正義引家語作字哲哲亦哲之譌

陳亢字子亢一字子禽同上案論語學而篇鄭注陳亢字子禽不云字子亢此因檀弓

陳子亢而增之也不知陳子亢別是一人案古今人表陳亢列第五陳子亢列第六梁氏曜北云陳子亢是子

車弟子亢字也與陳人名亢字子禽者判然不同自鄭注檀弓誤云子亢孔子弟子遂以爲一人

奚箴字子楷同上案史記作奚容箴字子哲楷蓋哲之譌

廉潔字子曹同上案史記作字肅

公西滅字子尚同上案史記作公西蒧字子上

穰駟赤字子從同上案史記穰作穰從作徒

冉季字子產同上案單行本史記索隱作冉季產季乃長幼之序非名也不得云冉季字子產今

本史記亦作冉季字子產後人以家語改之也

薛邦字子從

同上案史記作鄭國字子徒。

縣直字子象

同上案史記作鄴單字子象。

狄黑字哲之

同上案史記作字哲。

商澤字子秀

同上案史記無字子秀二字集解引家語作字季。

原抗字子藉

同上案史記作原亢藉。

漆雕從字子文

同上案史記從作徒無字子文三字。

公夏守字子乘

同上案史記守作首。

申繆字子周

同上案史記公伯僚字子周申黨字周而無申繆字子周之文繆今本家語誤作績

史記正義

引作纒

孔忠字子蔑

同上案史記無字子蔑三字。

縣成字子橫

同上案史記橫作祺。

顏相字子襄

同上案史記相作祖。

宋父周

本姓篇案商頌那篇王義引世本弗甫何生宋父無周字潛夫論志氏姓篇同。

世子勝

同上案商頌正義引世本無此一代潛夫論但云宋父生世子而無勝字。

畢夷

同上案商頌正義引世本作祁父潛夫論同無作畢夷者。

子家名傲後名永

後序案永蓋求字之誤史記孔子世家作求字子家漢書孔光傳作子家

求不云名傲。

子直名楹

同上案史記作箕字子京漢書作子真其

武字子順名微後名斌

同上案史記作子慎漢書作順而無武微斌三名。

子魚名鮒後名甲

同上案史記孔子世家云子慎生鮒儒林傳謂之孔甲而無字子魚之文

敘曰名字者自管相承之詁言也白虎通曰同名卽知其字間字卽知其名蓋名之與字義相比附故叔重說文屢引古人名字發明古訓莫箸於此觸類而引申之學者之事也夫詁訓之要杜聲音不杜文字聲之相同相近者義每不甚相遠故名字相沿不必皆其本字其所以假借今韻復多異音畫字體以爲說執今音以測義斯於古訓多所未達不明其要故也今之所說多取古音相近之字以爲解雖今亾其訓猶將罕譬而喻依聲託義焉爰考義類定以五體一曰同訓子字子我常字子恆之屬是也二曰對文沒字子明偃字子犯之屬是

也三日連類括字子容側字子反之屬是也四日指實
丹字子革啟字子閻之屬是也五日辨物鍼字子車鱣
字子魚之屬是也四斯五體測以六例一日通作徒字
爲都籍字爲鵠之屬是也二日辨譌高字爲克狄字爲
秋之屬是也三日合聲徐言爲成然疾言爲旃之屬是
也四日轉語結字子綦達字子姚之屬是也五日發聲
不狃爲狃無畏爲畏之屬是也六日竝稱乙喜字乙張
侯字張之屬是也訓詁列杜上綱名物分爲下卷眾著
者不爲贅設之詞難曉者悉從闕疑之例上稽典文旁
及謠俗亦欲以究聲音之統貫察訓詁之會通云爾至

於解釋不明援引鮮當大雅先達其有以教之矣

經義述聞第二十三